

16 og svo að þær birtu þeim það, er hlut eiga að máli, að jeg er yður samþykkur í því, að hin umrædda 9. gr. laga 4. nóvbr. f. á. eigi að eins við það spítalagjald, sem samkv. tilsk. 12. febr. 1872 skal inn heimta á manntalsþingunum, en hins vegar ekki við það spítalagjald, sem utanhreppsmenn samkvæmt 3. gr. tilskipunarinnar eiga að greiða af hendi, áður en þeir fara burt úr hrepp þeim, er þeir hafa rekið veiðiskap í. Það er nú hvorttveggja, að orðin í 9. gr. laga 4. nóv. f. á. ná berlega að eins til þess spítalagjalds, sem inn skal heimta á manntalsþingum vorið 1882, enda var og *ratio legis* fyrir ákvörðun þessari, — svo sem sjá má af alþingistíðindunum, ekki sú, að undanþiggja nokkurn hlut veiðarinnar 1881 því, að *annadhvort* skyldi af henni spítalagjald greitt *eda* útflutningstollur, heldur hitt að eins, að reyna svo, sem unnt var, að girða fyrir, að nokkur hluti veiðarinnar yrði að bera bæði spítalagjaldið og útflutningstollinn. Þegar svo stendur á sem með þessi lög frá 4. nóvbr. 1881, að lög leggja nýtt gjald á í stað annars eldra, og hin nýja áлага er hagkvæmari en hin eldri og auk þess byggð á öðrum reglum, en lögin ákveða, hvern dag hin nýja áлага skuli í gildi ganga og hverjum ákvörðunum fylgja skuli, unz hinni nýju álögu verður í einu og öllu beitt, þá liggur það í hlutarins eðli, að *eigi er unnt* að sneiða hjá því, að af þessu leiði nokkurn misjöfnuð fyrir hina einstöku gjaldendur á millibilstímanum, meðan breytingin er að komast á. Það er því alveg náttúrlegt að einu leytnu, að af einhverju lítilsháttar af afla þeim, sem veiðst hefir fyrir ágústlok árið, sem leið, og sem spítalagjald því skal af kafið á manntalsþingum í fardögum 1882, verði og að greiða útflutningsgjald sökum þess, að það verði eigi flutt út úr landinu hjeðan fyr en eptir 1. janúar 1882, og hins vegar, að nokkrar tunnur af síld, er aflast hefir eptir ágústmánaðarlok, sleppi bæði við spítalagjald og útflutningsgjald, svo framarlega sem þær hafa verið fluttar hjeðan af landi fyrir árslok 1881 og spítalagjald hefir eigi verið af þeim greitt samkvæmt tilsk. 12. febrúar 1872, 3. gr. En þessi misjöfnuður verður þó, hversu sem á stendur, miklu minni, heldur en ef allur sá mikli hluti síldaraffans í september og október-mánuðum, er útlendir menn hafa veitt umhverfis strendur landsins, slyppi undan að greiða *hvort um sig* af gjöldum þessum, og væri slíkt, svo sem fyr er á minnzt, bæði gagnstætt orðum og tilgangi laganna 4. nóvbr. f. á.

Það er því hvorttveggja, að það var skylda sýslumannsins í Eyjafjarðarsýslu að inn heimta spítalagjald samkv. 3. gr. tilsk. 12. febr. 1872 af sjerhverjum utanhreppsmanni, er síldveiði hefir rekið við strendur sýslunnar, áður en slíkur maður fór burt í haust úr hreppnum, enda er það skýlaus skylda sýslumannsins, að gjöra landssjóði fulla grein og skil á gjaldi þessu eptir reglum þeim, er gilda um allar aðrar innheimtur, er honum er trúað fyrir, og skortir gjörsamlega nokkra heimild til að endurborga hinum einstöku gjaldendum þau gjöld, er þeir hafa til landssjóðs greitt samkvæmt gildandi lögum.

17 — Brjef landshöfðingja til póstmeistarara um laun póstaðgreiðenda. — Samkvæmt tillögum yðar, herra póstmeistari, frá í dag, viðvíkjandi launum póstaðgreiðslumanna, er með viðkomandi gjaldlið í fjárlögunum fyrir árin 1882 og 1883 hafa verið færð upp um 500 kr., samþykkist hjer með, að hinir einstöku póstaðgreiðendur fái um næstu 2 ár frá 1. janúar þ. á. þau árslaun, sem nú skal greina:

- | | | |
|----|--|---------|
| 1. | Póstaðgreiðandinn á Akureyri | 300 kr. |
| 2. | — — — — — á Seyðisfirði | 250 — |

3.	Póstafgreiðandinn á Ísafirði	250 kr.
4.	— — — í Mýrasýslu (Arnarholti)	130 —
5.	— — — á Stykkishólmi	125 —
6.	— — — í Múlasýslu (Höfða)	128 —
7.	— — — á Eskifirði	100 —
8.	— — — í Þingeyjarsýslu (Grenjaðarstað)	100 —

17
8. febr.

Þetta er hjer með þjónustusamlega tjáð yður, herra póstmeistari, til þóknanlegrar leiðbeiningar og birtingar fyrir hlutaðeigöndum.

— Brjef landshöfðingja til þorgríms hjeraðslæknis á Akureyri um styrk handa amtsbókasafni. — Áður en meira er gjört út af beiðni yðar, herra hjeraðslæknir frá 10. f. m. um útborgun á því fje, sem veitt hefir verið amtsbókasafninu á Akureyri um árið 1882, bið jeg mjer senda skrá yfir bækur þær, sem bætzt hafa við tjeð bókasafn, síðan síðasta skrá var send mjer, og reikning fyrir fje því, er bókasafninu hefir verið veitt úr landssjóði um árin 1880 og 1881. 18
8. febr.

— Brjef landshöfðingja til amtmannsins yfir norður- og austurumdæminu um búnaðarskóla á Hólum í Hjaltadal. — Í brjefi 30. desember f. á. hefir amtsráðið í norður- og austurumdæminu sent mjer skýrslu um það, hvað hingað til sje gjört til að stofna búnaðarskóla í umdæminu; er þar skýrt frá, að fyrirhugað sje að stofna slíkan skóla á Hólum í Hjaltadal, og sje fyrst um sinn svo til ætlað, að hann verði búnaðarskóli fyrir Skagafjarðarsýslu, en þó svo, að komist samkomulag á milli hlutaðeigandi sýslunefnda, verði Húnavatnssýslu, og, ef til kemur, Eyjafjarðarsýslu gefinn kostur á, að taka með samþykki amtsráðsins þátt í stofnun skólans. Hefir amtsráðið mælt með, að til stofnunar skóla þessa verði sýslunefnd Skagafjarðarsýslu veitt 9000 kr. lán af viðlagasjóði af fje því, sem fjárlögin fyrir árin 1882 og 1883 áætla til lána handa búnaðarskólum í norður- og austurumdæminu, og að Skagafjarðarsýsla megi fá sinn hlut að tiltölu rjettri eptir fasteignarhundraðatölu sýslunnar af búnaðarskólasjóði norður- og austurumdæmisins, sem safnast hefir af búnaðarskólagjaldi því, sem heimilað var með tilsk. 12. febr. 1872, og svo það, er framvegis verður inn heimt af gjaldi þessu þar í sýslunni. 19
9. febr.

Út af þessu tjái jeg yður nú, herra amtmaður, til þóknanlegrar leiðbeiningar og svo að þjer kunngjörrið þeim það, sem hlut eiga að máli, að jeg fellst hjer með á ofannefndar tillögur amtsráðsins, og bæti jeg því við, að hið umrædda lán af viðlagasjóði mun verða veitt sýslunefnd Skagafjarðarsýslu í 11. júní gjalddaga þ. á. mótt 6% greiðslu árlega í vexti og afborgun í 28 ár, og móti því að jörðin Hólar í Hjaltadal verði veðsett fyrir láninu með öllu, er henni fylgir, og sjerstaklega einnig skólahús það sem ráðið er að reisa á jörð þessari.

— Brjef landshöfðingja til amtmannsins yfir norður- og austurumdæminu um leigumála á kaupstaðarlóð. — Með brjefi 12. desember f. á. hafið þjer, herra amtmaður, sent mjer brjef frá sýslumanninum í Sudur-Múlasýslu, þar sem hann með tilvísun til landshöfðingjabrjefs 31. janúar 1880 seekir um staðfestingu á leigumála eða bygg- 20
9. febr.